

摘藻堂四庫全書薈要

集部

欽定四庫全書薈要卷一萬三千四百三十三

集部

御製詩三集卷四

古今體一百二首

庚辰四

三月朔日御殿定邊將軍兆惠副將軍富德等率
成功諸將士朝謁詩以紀事

黃麾簇仗正衙排奏凱來朝樂孔皆脫劔釋冰搖玉佩
卷班按隊叩金階幸逢耆定干戈戢況值熙和風日佳
范士燮言予敢忘惴矜保泰是長懷

上巳日同豫軒作

西苑將凱宴南軒先憩駕

軒在瀛臺之南

正逢祓除節韶光藹

相迓紅紫入花逕蔥蒨籠巖榭同豫信同豫耆定籌邊
罷然予敢肆志敬怠不少借高謝晉永和寧云開治化
靜柯室

古樹扶疎戶外羅春風秋月鎮婆娑漆園未悟知魚者
祇道無端靜在柯

上巳日凱宴成功諸將士

有序

筵開飲至剛逢被飲之辰苑啟瀛臺恰奏濛瀛之
績於時上公晉顰青郊解甲初還蕃長敷茵黃幄
纏頭列侍宮懸陳百部將回中樂府齊登錫爵遍
三巡以閣上圖形為次詎因詡挾纊投醪之惠期
得抒推心造膝之忱且食刀闐壁偕來包匭宜酬
其效順而紫綺朱提並賚簽名合第彼成勞從茲
凱宴遐宣足使天堂知樂是用寅承永切毋忘月
朏依光非矜七德升歌爰藉八章紀實

出勞嘉勲歲禮旋昇平凱宴液池墀闢疆掃逆誠資衆
助順成功總賴

天策績林林恩予厚詢勞一一命來前寧惟云不重生
望祇覺迴思越悚然

日麗風和春未深獎庸備禮有士林試看偃伯靈臺上
詎數流觴曲水潯命預綺筵排伯克也陳夷樂奏任禁
笑聆蜀技無情者那覺西悲動乃心

圓幕高張榆柳垂犒筵喜值禊脩時榮勲舍爵竟今日

望武書常允不期誰擬浯溪泐崖頌我歌靈夏出車詩

紫光將盡凌煙像

西師歲成大功自元臣及在事將軍參贊禁衛統領諸臣第其勲績懋著

者命工圖形紫光閣以崇獎勸

穆棣同叨

乾貺貽

成功將士錦衣旋日月光輝軍氣蠲藉我虎臣典宿衛

笑他杯酒解兵權

將軍兆惠副將軍富德既以酬庸晉爵均命為御前領侍衛大臣宋藝祖

權術駕馭夙所鄙故戲及之

八旗子弟心如石萬禩國朝龍荷

天宣看瘡癥猶未愈

三等侍衛綽克圖巴圖魯恩特驍勇過人臨陣不避鋒鏑今預宴賜

酒時撫其顙傷猶未痊復為之惻然能無一體恫瘝連

柳舒花放正良辰上日前期福履申

三月三日為上巳然是日始戊申故

云卸甲報弓盡鳧藻凹晴豐額集魚鱗千秋難遇太平

宴百戰歸來義勇身獨憶儲胥宣力者

故大學士黃廷桂綜理軍儲調

遣諸務備殫忠勤未及武成濫焉先逝故前賜詩有奪我賢臣何太劇不教留看凱歌迴之句凱迴未

見惜斯人

敦瓜烝栗允堪憐二萬何期竟拓邊遠愧周王興六月

遲過殷帝克三年依楊霏雪凡經幾立幟登孤盡陷堅

此日征夫真邇止皇州春滿七條絃

拔達山人獻馘歸三軍飲至藹晴暉勞心幸我紓宵旰

公道憑伊論是非紫綺朱提頌渥澤前歌後舞逐鴻禧

歡來憶不同來者

軍興以來我大臣將弁等咸以蓋忱自奮其間有遇阿逆之叛如將軍公

班第參贊伯鄂容安遇噶爾藏多爾濟等之叛如寧夏將軍和起而追色楞之逃者如副都統唐喀祿誤聽沙

拉斯嗎唬斯之詐者如都統滿福至遇狃酋和卓木之叛如副都統阿敏道前鋒統領鄂實副都統三格侍衛

特通額總兵高天喜而奉命在途猝遇亂賊如將軍伯納木扎爾參贊侍郎三泰其巴圖魯侍衛中之奇散布

巴凌阿寧古禮富錫爾瑞綽爾圖等並能以死勤事秉節捐軀雖加恩優予旌卹而當功成飲至時迴念義烈

炳然尤不勞爵手持淚暗揮
勝雪涕云

芳節延禧淑氣清
襖歌聲是凱歌聲
元戎允合躬承袞
勇校均教手賜觥
藉衆力茲疆地戒
勅予心永奉
天行從來悟得受
招理虔輦流謙慎
捧盈

凱宴畢乘舟至悅心殿

上巳從來合宴遊
似茲凱宴得曾不
良辰盛典還多暇
耐可新波漾綠舟

春融瓊島翠嶽崑
別殿䟽龍憩悅心
綈几蘭亭觀定武

恍同逸少會山陰

土潤新蕪綠到階春光今歲識真佳舊題粘壁閒吟過
始覺籌邊悅釋懷

紫翠房

漪瀾堂畔室假山圍菁峭傑池互羅落嶙峋入窅窳紫
翠幻萬狀朗朗延曦照生色畫屏張誰能觀微妙

畫舫齋

芸齋臨鏡瀾涵漪清可愛仰觀俯而察古稽文與佩顏

之曰畫舫詎學襄陽再譬如亘大地咸知水以載何屋
而非舟舟寧獨此在誰能具達觀於斯悟津逮

題唐寅山水

訪幽野艇泛清渟水閣遙知待發硯識得六如真面目

石渠幸早弄蘭亭

卷內無名而有六如居士圖記圖記雖可贋鼎而筆法與石渠寶笈所藏

唐寅蘭亭小卷氣韻無少差別故知為的係唐寅真蹟云

三月吉亥祭

先農壇

吉亥將耕藉

先農致祭崇載興耒耜始實贊地

天功澤潤青郊溥春和

赭幕融休嘉錫珎隱願與萬民同

耕藉擬禾詞四首

沃塗膏壤司空掌縹輓紺轅農正陳率稼供粢胥要道
敬遵

家法歲躬親

千里王畿霑臘雪陽春二月被甘霖

天恩今歲真優渥益為去聲紓心益惕心

隴麥芄葱實愜懷寧惟藉畝治除佳去年此日那能忘
曾是雰雰鎮雨霖

四推歲禮置朱紃通進扶犁王與卿諸部回人列觀預
是日命隨將軍凱旋入覲之哈密郡王玉素富暨各俾
回部貝勒貝子公伯克等於迎駕後並得入壇觀禮
知國典重農耕

詠田銅發嚕笳器疊去歲避暑山莊詠唐時回銅

器韻

有序

噉嚙簞之制正圓而豐下上橫盞可左右紐高五寸有十分寸之五口圍尺有八寸腹圍二尺四寸有十分寸之八中實六升許銅范而金銀錯其文皆旁行回字不可辨識西師凱還將軍等與所俘武器並獻命阿渾

通經典者

其名曰哈爾披野特者詳

譯之具云元時回部有汗曰眉哩特木爾世居伊

楞

地名在今布哈爾之西

嘗得沙賴子

城名在伊楞左近

良匠喀嗎

爾所造用貯漿齊鏤文悉祝嘏之辭葉爾奇木哈
什哈爾世不乏一二見者其緣起載陀犁克史名云
云夫天堂墨克之區遼邈荒忽歷代史牒所志支
離牽合罔所折衷今荷

天

祖垂床師武臣克襄成績旼章其地氓隸其人乃至昔
日舊物留遺皆得入中國而詳其原委亮非獲休
屠金人與蒲梢苜蓿輒斷斷動色哆詞之為也爰

以長言系之俾傳示來許不敢矜方物之遠益無
忘綏輯之艱云爾

重器真遷噉嚙匝

舊作有遷其重器茲先兆之語

平田並馘獻來時曾

供菽水數升受亦閱春秋四百遺

其史所紀造此器時當在中國大元時歲

月不可細考約計距今已四百餘年矣

喀嗎匠鏤眉哩用陀犁史載阿渾

知詎珍三品精鋟錯保定方籌撫衆師

惜陣亡提督豆斌詩

去歲正月初九日副將軍富德自阿克蘇率諸師

兼程進援將軍兆惠軍遇賊要戰於呼爾瑞時豆
斌領綠旗兵列鎗礮對敵不期中賊銃捐軀詩以
惜之

老將行間名久標

雍正年間西陲用兵豆斌即以裨將特著功伐後屢膺節鎮勇畧風優

援師深入從

去聲

票姚鋪敦縱已占三捷矍鑠不期喪一

朝杜牧悲曾譏黠筆孟明壯詎肯迴撓最憐來歎臨終

際強起猶虞衆志搖

豆斌中創時猶力疾拊循諸將士奮勇殺賊

後猶壽縣行壘前作韻

樹丸火米符祥占

喀喇烏蘇之役將士方堅壁趣援時於固守處得窖米贍軍樹上檢鉛丸

濟用並獲

神助

孤軍接應遂解嚴整師救和闐玉隴帕首蟻

襍胥劉璣將以三路進掃穴僑如叔仲先潛覘狼狽挈
挈預遁去二城降不勞矛鏃競作饒吹迓主帥從今食
飽眠亦酣選卒前遮復後襲義無返顧均雄男線天磧
地罅入阻欲得虎子虎穴探明瑞邀之庫魯克以少勝
衆折袂橈富德追及伊西洱用強驅弱如掃蠶鹿埴流
湯賊屢敗獲銃寨轟軍威添遁入異域卒獻馘飛來報

捷紅旗尖凱旋攜以貢武庫阿渾譯出其文詰

肅上旁
行書命

以托特字譯之四中稱
通曉經典者曰阿渾

亦知福善禍淫道胡乃偕德興

狂儉敵愾致力衆惟惜事成志遂吾敢欣

獨劍行

逆酋小和卓木霍集占所佩副將軍富德大勝之
於伊西洱所獲也凱旋奏進詩以識之

袂褫展室青萍寒一條秋漢溢波瀾蛟龍水斷犀陸剗
吳鉤薛燭古所傳泰階九寓胥晏安歐冶之法誰則閑

絕域尚武求精堅鋤鋒三尺不可削弱肉強食必佩旃
況彼窮奇肯離焉伊西大勝狃蠢塞二酋倉皇駢走前
獲茲銳器羣訝觀訊醜踉蹌具致言劒藏霍集占身邊
惟命是顧乃忍捐異封獻馘師凱旋彤庭奏進出匣看
光芒誠覺星辰連弑奔武庫識歲年保定諸部籌久全
惜陣亡總兵高天喜詩

喀喇烏蘇之役我師渡河猝被賊遮時總兵高天
喜奉將軍令董率脩橋在後聞將軍陷陣中乃捨

橋衝入賊陣以致陣亡推恩優卹如例凱旋備悉
其事詩以惜之

始由小校出從征優擢奇雄至總兵留後脩橋恥苟活
復前入陣遂捐生綠旗中祇一人實絕域外傳千載名
裏血結纓寧讓古詩非獎勇獎忠誠

玉牛疊舊作漢玉牛韻

和闐種玉如農耕河源撈取淘戶能貢來命寫喀喇

言四

也牛形穩卧滿脰黃鍾鳴古牴呵護煩六丁叶瑞詎比聯

嘉牲雖不可食非塗羹方物足徵遵路亨持盈偃伯惟
屏營盤銘一例七字成匪誇耆定輝丹青

題李升山水

屢屨攜杖送君行騎二茅龍上玉京只有澱山倒影在
泖湖賒月伴濤聲

大學士來保八十壽辰詩以賜之

八袞黎鮐第祿增三朝禁近亮勤稱溫城過闕毋忘下
東海為閭知有興矍鑠齊眉叶琴瑟徘徊繞膝侍孫曾

皤皤元老多黃髮

時大學士史貽直亦年七十九矣

自是明廷大吉徵

射八韻

有序

門啟賢良掄材式資觀德階陳蕃部肆武兼示柔
遐爰循聽政常程庶愜依光夙願耦聯十五子臣
之鵠並張雋獲疊雙齊夏之規胥叶以身先為則詎
詡穿堅札七重俾目擊而存共喜侍長楊百步將
告成功而匪懈益遵

先制以彌勤華林百戲異靡文差不負春園日永壁上

一觀同壯志鎮毋忘朔塞風清

勅幾協九經量職授明廷志敢懈者定治惟求永寧大
蒙胥列侍中國式儀型繁弱月規魄四侯星寫形鬲音
鳴未已鵠影落無停擅巧非誇已綏遐所適丁由來重
弓矢庶以聳聲靈

赫濯於昭在欽惟

懿訓聽

河南巡撫胡寶琮奏報得雨

大河南北麥為秋驛報欣聞愷澤優最是人心慰猶望
又希嘉霑霈皇州

題張宗蒼山水

粘壁昔曾未詠詩今知珍乃重去聲題之恰如問水尋山

者將謂竒窮轉得竒

夜雨

三月
望日

仲春澤屢霑惟凜

天恩沐季月亦兩沛

朔日及
初八日

一犁惜未足不敢萌冀心

無厭類望蜀昨午乃狂風懼蹈常年躅怵惕為不寧或
我志滿屬入夕風稍停霾變生雲族須臾雨即零初猶
霏霖霖霑霑忽大作溜簷落響筑數過五更籌疎密無
斷續求衣尚霰零入土已優渥望外叨

鴻貺榮以為愧慙銷兵致祥徵

綏豐和衆庶叶能不益懃懃永祈萬民福

雨後萬壽山

雨歇朝煙泮以徐佳哉山色遂遊諸昨今訝欲三春過

池館忽睽一月餘葉嫩花媽付苒苒峯姿波態祇如如
茲來有喜非虛語水滿鱗塍秧佈初

霽清軒

北方春雨艱自無喜霽時霽清今來喜雨既渥可知溪
煙歛歸岫花露垂戀枝襲衣氣芬芳吹簾聲參差憑闌
生遙欣新耕爭力為

聽鸛館

何必雙柑斗酒亦有精舍竹林幾囀栗留窓外仲若先

獲我心

復雨

三月十八日

已自青郊慶渥霑大雲又冪遠山尖輕雷隱隱聲遙送
入夕霏霏勢遂添穀種吐芽長如助麥苗抽節潤而漸
優叨
鴻臚能無慰劾輦遑寧益守謙

雨中西直門外

天家婚娶亦人情

以皇子皇女婚娶故頻還宮行禮

今歲頻教還禁城

恰復朝來命清蹕喜從雨裏閱新耕惟憐戴笠披蓑景
那是尋花問柳行敢即吾心稍慶幸去年一憶一回驚
雨中憩鏡清齋

水齋玉螭北液渚桂舟通却為還宮內乘閒憩雨中披
來欣颯杳望去轉溟濛活汞揩摩後明當朗鑑銅

揖山亭

亭畔介昂藏博褰貌復蒼愛他好風度不是擬元章
令人磬折者却是揖山亭可悟漆園論主賓誰定形

賦得春雨林塘

靄靄纔彌谷淒淒遂灑春
論時真及節稱德乃為仁
林暗輕煙合塘明細浪皺
微寒夫豈礙嘉澤更希均
接上連枝杪入虛起蘊淪
情知綠野外明日出耕人

抱素書屋

樸斲書齋硯席清涵今茹古足陶情
詎惟繪事斯津逮益欲淳風是訓行

甘肅總督吳達善奏報得雨詩以誌慰

甘肅屢災後窮黎念在茲賑恤盡人力寧如渥澤綏冬
雪雖稍霑尚賴春雨時手擘奏書囊報雨喜可知高者
潤數寸下者或一犁穀種胥得播方伯寧我欺西望為
額慶

昊蒼優貺垂武成冀有秋

天意昭可思敢或稍驕矜惟益勗敬寅

王蒙谷口春耕

治生似擬陽羨計命筆還同青弁圖

見董其昌識語

二頃秫田

足家釀等閒村酒不煩沽

三月廿九日齋居作

一莢萸餘落亦仍紫垣清似玉壺冰幾番來往三春度
半晌研覃諸慮澄敢以時和忘益凜每先

孟祭憶丕承漏聲正永槐陰佈那為韶光婪尾憑
孟夏時享

太廟

水木溯源本豆籩式禮儀

思文欽世德貽我幸豐綏祇以瞻依切寧教廢徹遲繼
繩惟日勵敢懈藉

重熙

承光殿

每還宮禁無非事亟往園亭切問

安暫憇常欣於便道俯吟實暢此遐觀節臨首夏清陰
佈水足今年太液寬人意

天心胥順適越因兢業敢因歡

賦得王道蕩蕩

得同字八韻
會試題

義路因心示天衢與衆同發端寧在曲歸極要惟公於
古陳洪範而今逮大蒙本非事開鑿允是藉

鴻濛坦坦通無外孜孜體建中造車胥合轍遵道畢從
風詎以梯航限匪求玉帛充廓然斯順應慎德始微躬
陸廣仙山樓觀

撲鼻芸芳蘊地陳雲容峯態鎮如新放彌卷退都無迹
離去合來若有神海客相將會員嶠盡禪直擬是延津

見董其昌識語
笑他烏帽籠頭者何必前途問野人

御園舟泛三首

春雨頻霑湖水肥
幾閒琳沼泚澄輝
櫂牽蔓藻醉魚躍
帆拂垂楊乳燕飛

牡丹花比尋常好
宜雨宜晴絮不顛
却為去聲忽忽無暇
賞今來艤棹見騷然

山村已見插新秧
早較去年兩月強
敢即吾心此慶慰
夏耘秋穫日方長

戲題舊日書齋兼示諸皇子

蘭室當年此樂羣
窓陰惜較寸和分
廿餘歲祇籌於政
萬卷書慙尊所聞
趁暇一來猶故我
無閒多領是清芬
汝曹謾學徒工詠
合爾含經味道勤

懷新館

吐穗抽苗蔚露濃
景光真足慶良農
隱翁佳句從來憶
幸是今年始一逢

藏密樓

丹梯拾級因高迴綠牖憑虛納遠通閉戶恰宜讀周易
庶幾津逮洗心同

賦得慎修思永

迪德初申旨修身繼進詳舉端惟致謹挈要在謀長言
行去聲慎防失弼謨允叶臧諸親既和睦百姓以平章嘉
矣臯陳善懿哉禹拜昌高山景仰止勿逮願云覆

錢穀松陰趺坐

倚松高士松其顏同異寧生分別間坐忘本不事採藥

傍人漫擬是槐山

預日詣齋宮疊去歲韻

視

壇謁

位入甌城齋室西墉御輦行疊被

鴻禧得依禮

去歲正望雨故有不
敢依常排法駕之句

要惟一念不渝誠

倏忽三春沐

澤過邇稀預慮事如何省躬未敢萌矜弛靜俟

天庥錫益多

祭朝如月瑞誠稀

祭日辛巳是月亦辛巳

預日符年福卜幾

皆值庚辰

敢恃金穰操軫券惟欽甲先去聲省遽非

雩祭禮成述事

冬澤春膏獲勝殊西師飲至奏功膚疊承

乾貺何脩遇既兆農祥庶不孤協氣旁流為緼豫

神光下燭尚留俞從今中外胥休養曰肅尤祈時雨濡

四月八日萬壽山延壽寺瞻禮

無量恒沙數

上聲

莫窮誕生此日論寧通

內典四月八日為佛誕辰紅

稀綠暗非真色古往今來一大空及節祇須霏法雨偷

閒詎為闡宗風善緣問我於何結

俗稱是日為結緣日

慈壽希如山樣崇

雲繪軒疊舊作韻

藻繪休誇誇繪雲文軒因迴御層氛爛兮謾擬重華旦
藹若常含元氣氤無暇相於斯淡淡邇來凝望又懃懃
何當嘉霽崇朝遍二麥登秋與物欣

戲題翠籟亭

籟是虛聲耳聽有翠為實色目觀無有無虛實色聲外
誰識亭中真箇吾

綠畦亭

常年艱致足春水水足今春秧插齊微倖溪亭遙騁目
懷新綠意總萋萋

構虛軒

迴軒名構虛疑取乾闥謗是語落第二聊語第一諦須

彌四天下都大空中寄齊州九點煙曰山河大地虛即
實有鄰實離虛無際誰能不蓋物與究甚深義

題宋宣和畫關鸛鵲圖二首

鸛鵲飛爭翅跳蕭急難枝上目如椒寫情若果通於理
何事助金思滅遼

活看唼唼噪枝頭想像傳真艮嶽秋論世徒悲千載下
童謡早應出乾侯

即事

江浙春患雨今歲逢晴嘉山陝雨艱致春來澤屢加京畿及齊鄭麥亢穀吐芽並見

天心仁銷兵致氣和敢不凜捧盈更生別望奢昨近時

作風切切躬省差或云乃宜麥

四月麥科茂密不宜過燠得風散則益屯遂老

農云然或云遍播禾十日其復雨先事愁云何慰言固遜

志忽穡理則那縱知勝去歲於得誰辭多賴靜午曦暄蒸雲庶霽霽

直隸總督方觀承奏報保定得雨

天龍噴德水為浴大醫王無聲細入夜謂聊作吉祥越

日飛章至霑足報保陽一慰一以惜麥秋逮種芒甘膏

設及時農諺資灌漿

老農以麥花後秀實之際得雨為灌漿今保定報雨正屆小滿京師

春膏雖渥而時距芒種尚有半月不能無繼霑之望

三百里之隔氣候寧差強

大田

收穫率北先於南而刈麥則自南而北固地與候為之然京師去保定三舍耳同日濃陰密灑未即霑透顯企

實患失勝患得人情聖所詳斯之吾未免芄芄看新秧

油雲頻蔚然早晚澤其霽

戲詠芍藥

鼠姑開謝錦蹊南花婢盈盈放始酣惆悵桓公對劉妓
評量五似索應慙

文徵明古石喬柯即用其韻

石介柯亦古氣求蔚森陰詎可畫圖視停雲自寫心

山東巡撫阿爾泰奏報得雨

山左畿南同日霑

亦四月八日

喜餘愁思復重添麥苗秀矣

更期寶穀雨時哉今覺纖苦莫苦於多欲信厖惟厖此
萬方兼何當寰宇均豐樂始得雙眉放兩尖

湯泉荷花

節暄雨沛春泉靈水溫
沼因緣胥助長清和
荷綻好掠燕迷芍藥跳魚亂
蘊藻中使鉗擎來進鮮如獲寶
我時復望雨何暇煙宮討因之懷
麥秋益用增煩惱徒觀色欲薦更
覺辦差小物理有神詮為悟盈虛道
夫子語賓牟發揚斯已早

小雨

四月廿三日

麥臨芒種稻秧栽
小雨雖霑冀沛哉
肯以去年稍自解

益惟此際厪民哀欲眠歎枕那能寐傾聽隔窓翻致猜
踈響片時徐寂靜祇餘迤北殷輕雷

題宋繡老子青牛圖

青牛獨控去何鄉廣額方脣雙耳長魁士名人有弗肩
提仁提義正奚妨散關令遇元經著脩內司成寶像裝
千古畫圖皆省識誰云良賈善深藏

古北口奏報得雨

前夜雷聲西北多飛章喜報霈滂沱皆吾民也皆吾土

慰彼愁茲愁若何

復雨二首

四月廿五日

雲為雨之兆兆斯足以行邇來機括動觸石常英英初
猶灑霏微繼乃沛盆傾惜為時不久四刻即放晴景色
已改觀塵淨樹蔚青潤浥坡土香鮮沃墀花榮僥倖勝
去年愁暫旋慰生不能無更望優霑方愜情

去歲北省旱西直逮陝甘為時况久長戚戚愁民若今
春屢沐澤近遠頗均霑京縣邇望雨責已寧從嚴遠憂

輒弗忘近慰敢即快了知無始終此志惟

天監攬鏡正衣冠何怪霜華添

宋人松陰訪隱

藉茅為席葉為衣古弁何人訪翠微風度胥殊三代下

隱翁同叟是耶非

遣緒

萬八千朝倏欲過重華舊侶剩無何

近又有純惠皇貴妃之事亦重華宮

時舊人也

大都五十還期百了識愁忻更歷多忻以暫那勝

愁劇緒其紛遣復懷羅丁丁閣漏不停晷底得閒參兜
率陀

夜雨

四月廿七日

晚來無雨望夢醒覺寒生豈是參差想分明霰霰聲繼
前優沛澤侵曉始開晴半尺深霑潤真堪慰渴情

題王炳山水

夏山欲雨樹生涼畧法惟期氣韻長此是宗蒼不傳秘

披圖何異慕中郎

炳曾學畫於
張宗蒼故云

雨後御園即景

四月廿九日

一夜殷雷枕上聞
既霑既足既氤氲
欲知雨後御園景
物態人情總向欣

詰朝京兆報優霑
嘉霽還稱近遠兼
大益農功寧不慰
又虞慰即弛精嚴

垂珠岸柳窳波輕
欲泮朝煙戀故晴
晴亦奚妨雨亦得
西山又見族雲生

黍高稻下潤含嘉
麥熟都云粟實加
底事最予僥倖處

憂農未久罷籌遐

題湛然室

結宇非山峻亦復離水裔灌木蓊蔚間拂簷足蔥翠湛
然之謂何循名可晰義譬彼方寸鏡其照乃無際室中
無長物矯情我弗貴澄茲空洞緣受彼萬物備

夏隱亭

小亭名夏隱葉密藏簷宇匪慕彼黃公乃自我作古

黃公望山居聽松圖

謖謖寒濤入耳清
考槃終日足怡情
自知差勝陶弘景
未冒山中宰相名

駐防葉爾奇木大臣阿里衮等奏報諸回城於三

月下旬得雨詩以誌慰

有序

諸回城既隸版圖人忻復業駐防大臣循行勸墾
插蒔方興而三月二十一日兩晝夜甘霖
大沛葉爾奇木喀什哈爾和闐洋阿襟爾同時霑
渥回人抃舞款告詫為希有阿里衮等以聞回渥

古稱難澤之鄉比歲復苦逆首蹂躪茲獲

天仁降鑒橋壤損蘇視前此師行瀚磧嘉澍應時均深

感荷因欽

鴻臚載紀長言

葱嶺火州致艱雨一犁

天澤霑今春灌田不藉穿渠力利穡都欣纏首人校尉
方將設戊巳神農未始禱庚辛遙遙萬里祈年望敢謝
休徵益敬寅

題金廷標畫

一川流水兩江村，問村何名朱與陳。
紅船鼓吹方迎婚，醉儂側弁無禮文。
太古猶見民風淳，橫溪小舫俯碧淪。
左圖右史伴閒身，疑是煙波釣叟倫。
近橋且艤水之濱，有客牽驢過橋垠。
驢怯不度駐足蹲，後毆前挽情入真。
此岸綠樹蓋四鄰，老幼男婦都欣欣。
擔簍而至市蟹民，作惡遇是駭孩羣。
放籃走迸蟹紛紛，旁行郭索如逃軍。
衆童爭攫跋跣奔，獲者喜走失者窘。
叶螫傷足者呱涕。

痕蟹翁瞪目徒怒嗔七情畢寫皆得神顧陸以後今幾人

端陽日侍

皇太后觀龍舟

去歲龍舟閔旱停將停霈澤仰

穹靈

今春膏澤時霈入夏彌月不雨方以為憂將復罷龍舟矣近乃盈尺霈膏農功有慶故依例陳節物

以娛

慈懷

繞人癢技爭前捷艾虎隔年勝舊馨瑞縷絲絲

延

寶算祥符語語祝

慈寧晴和更愜吾心樂多士方茲對大廷

廷試禮部貢士例應給札

丹墀是日天宇和霽於對策尤宜

端午帖子詞

有序

琳池始漲梅霖快值逢壬綵竿旋牽蒲醑欣當汎

午因酬令序寧崇侈乎水嬉敬奉

慈顏庶佐

歡於夏清時則蓮風拂檻中人乍引朱旗麥浪搖階舟

子徐划黃帽不藉拔河諸戲供奉排當將聯在沼
羣情傳呼宿衛貳師專閫賜符分鴈齒橋邊四部
名王佩帑捧蛾眉班裏幸際昇平堪繪典循五日
陪遊勤思翫物為箴詩就六章裁帖

滄池潏沔似蓬萊雨霽南薰正阜財不必傳宣學士院
閣門帖子試親裁

綵絲縷縷稱延命蒲劍青青說辟邪底是吾心真喜處
一犁梅雨足農家

文場磨勘索清真廷試因之易此辰

四月十一日禮闈揭曉貢士當即赴

廷試因本年定例尚需磨勘遂定期於重五引對

漫惜芳朝孤節物所期讜論

對天人

功成上將早封侯蒲席榴筵愜樂優帕首河邊罷採玉

來陪鵷侶看龍舟

是日命兆惠富德率留京回部郡王霍集斯及公額色尹等入內苑俾預

觀天中節物

筠沖測驗命疇人星紀輿圖盡得真却笑當年西域記

底稱投石識韃賓

佳節欣逢重五日地天相得數惟均六章帖子中和叶
保泰持盈志倍寅

偶為橋梓圖賜錢陳羣疊舊作韻

重五日陳羣書和賜其子汝誠詩畫扇以進蓋欲
之而不敢言陳羣老矣不可使因此鬱鬱於懷促
成是幅並疊舊韻賜之不復計筆墨之工拙矣

南國應嘗穀雨茶簞頭書自遂初家貢來恰好臨蒲節
賜去無須寶墨華教寄北山聊示梓

即付其子寄去

漫參西土


擬拈花高年已覺多男累

陳羣自云如是即以調之

莫逐東風更羨

鴉

御製詩三集卷四



總校官庶吉士臣侍朝

校對官檢討臣王坦修

謄錄監生臣王肯勵

欽定四庫全書薈要

集部

御製詩三集卷五

六



詳校官原任編修臣徐立綱

欽定四庫全書薈要卷一萬三千四百三十四

集部

御製詩三集卷五

古今體九十六首

庚辰五

西直門外


利如助長黍如油又見崇墉麥報秋一例憑輿雞犬社
今來稍得釋眉頭

曉氣清涼露氣濃
瓜田菜圃總芄茸
幽風圖畫經行裏
底藉重儻說勸農

蘭衢槿舍不生塵見說霑膏近遠均稼穡艱難厪心所
謹言寧待范雲陳

畫舫齋

宿齋復還宮北至將臨祀路便憩水堂雨後景尤美景
美匪所耽戒深允宜揣譬如水載舟前賢揭其旨對時
企薰絃觀易凜金柅

鏡香室

洒然書室俯琳塘鑑古欣披瀝灑光淨植真成佛土卉

風前時散鏡中香

畝鑑室

疏剔得古井事半功倍
巖居然一畝池巖腰鏡光展小
閣俯其上每來興不淺
愛臨綺縠披那聞轆轤轉
激行雖有時就下固無舛
所以子輿氏示人曰性善

養心殿齋居雨後作

雨過河源爽氣鮮
炎風不到黼屏邊
咄哉無易由言爾
可忘周書廿七篇

王蒙高崖結宇圖

松桂陰森避世埃
碩人結宇白雲隈
斷橋陡澗通無路
為恐鶴書偶到來

夏至

北郊大祀禮成有述

日永火星正
雨霑曉氣清
晨趨備儀衛

夏至大祀每逢
望雨之時率不

敢御輦詣

壇以誌虔悚今
歲雨暘時若乃得依例舉行云

祀典率公卿八奏
蕤賓律一元瘞坎牲躬承歲弗懈

惟是盡吾誠

素尚齋小憩

臚傳歲鴻儀夏清詢

慈履於焉返御園更衣取便邇黼芾入山林笑未能免
矣雨後峭蒨佳石激聲更美書堂棲嶽寄素尚宗

堯旨西苑及仙莊何必分彼此

避暑山莊內亦有此齋
名皇祖御題也

怡神既遠塵得句亦戒綺士習與文風斯之繫深企

千尺雪

信有仙家縮地方松泉呼欲出宦光楣間底藉題千尺
倚檻常欣滿意涼

登寶月樓

樹古延颼爽荷香淨露晨艤舟登寶月拾級俯銀淪首
善皇州地興賢蕊榜辰天街珂馬客甫纔去聲退朝人

香遠室

可遠觀猶不可親色香一例淨無塵山陰鏡裏如相訪
髣髴其人是賀循

雨

五月十一日

繼澤誠為澤優霑果是霑急飛殊錯落徐勢亦廉纖銀
竹倒生字玉泉忽掛簷篆涎蝸上壁敲乳燕窺簾酷熱
書幅避輕寒硯席添慰將閒適合博史一研淹

詠漢玉圖章

何代神仙侶誰家翰席間於斯對古貌可以破天慳龜
紐深含碧鴻文淺印殷數來九老會雅合在香山

王翬做巨然夏山圖即用其韻

千章灌木綠陰稠策蹇何人來訪幽世務請君謾啟齒
尊盧前事推從頭

海努銅印

有序

武定功成農政宜舉念伊犁委之荒蕪久或別部
竊踞非良圖也因命副都統阿桂伊杜等率兵往
理屯政茲伊杜循行至海努克地見大招梵帙叢
委以次檢輯獲虎紐銅章一方文曰管轄厄魯特
後旗扎薩克印旁識雍正四年十月鑄成即日驛

封來上蓋向年曾頒給隸喀爾喀之厄魯特扎薩
克毛海者彼叛往準噶爾攜以獻噶爾丹策凌因
命薩衍內廷並系是詩以誌其事

厄魯和通

厄魯特謂回人為和通

以次平徐籌考牧及屯耕葉奇

即葉爾奇木四字
急呼之實兩字也

已慶春膏溥

回地素艱雨澤昨阿里
衮等奏三月二十一

等日葉爾奇木諸城耕作方興
甘霖大沛回人皆詭為希有

海努曾無兵燹驚收拾

金經皈淨業分明銅印返神京天驕猖獗今何有蠲忿

因之益凜盈

雜言

簷前懸鐸毀以聲鳴堂中秉燭消以膏明炫名者相軋
鬪知者必爭謀度於義者斯得事因於民者可成民可
近不可下義正我仁安人趨吉無過知足止謗莫如修
身聖人存神索至君子泰而不驕河以委蛇故遠山以
陵遲故高勿謂何傷其禍將長禍為德根憂為福堂書
稱朽索易著苞桑矜矜惴惴兮吾遑敢康

鯀魚

湖中藻荇蕃蔓延叢累積塞茅與銍艾萌芽旋充斥舟
楫礙泛流波瀾溷澄碧是應例除莠詢得一良策鯪魚
此為糧育湖俾搜索藻荇則已盡荷芰乃并食魚所能
者啖不能者揀擇洩矢更遺污綠水成黃色藻荇穢複
裏鯪魚穢面額不什不變法欲速疎籌畫一利一弊滋
覽物理可格

題金廷標畫仙山樓閣

觀聳琳琅洲鳳麟蕊珠叢下會羣真底須更檢神仙傳

一例丹臺注籍人

蕩影虛無曳綵虹憑欄意與海天空欺人漫自稱清淺
一笑千春俯八鴻

界道琉璃禹步移瑤華琪樹鬱參差遣將瑞鶴凌空去
玉檢銀題定寄誰

解得江山煮半鎗長生妙訣合無生笑他癡念延年者
隔岸惟應渴望瀛

賦得和闐玉

得珍字六韻
散館試題

玉隴

和闐六城之一

宛其玉珍賢詎此珍攄誠底方物慎德幸

咸賓却納非柔遠分頒庸展親葆光驗垂草瑞色現浮筠如琢良工命匪求給事巡設將擬堯擲仍覺愧先民

命儒臣排次回部錢文及所有古銅錢因題以句

天祐西師歲大功勞徠泉府貴流通形猶騰格因其俗

寶鑄乾隆奉我同

回城既定部人以騰格輸賦將軍等請仍其舊式惟於陽面加鑄乾隆通

寶以行又驛致回中所有古錢蓋彼時妻主輸繒所致因命儒臣排次之景德開元溯所有

和親互市鑑於中篋藏詎詡聲靈邕垂示懷柔慎自躬

復雨

五月廿四日

連朝雨畧勤羣稱麥迴青過旬雨畧間羣稱旱象成譬
如嬌養子怙賴其父兄與之謂當然少靳則怨生人情
太澆薄返淳愧不能安得邀

天鑒綏我屢豐亨且休舉去年六月雨始零曷不看今
歲實事公論評麥亦未迴青旱亦何致成餅餌已驚市
禾黍綠雲平即今澤復霈優渥溝澮盈幸災樂禍流汝
口奚由騰然而總吾過化民責實膺

夏日昆明湖上

湖濶風來水面涼
四圍圖畫鏡中央
登舟底識予心喜
隄外千塍勃綠秧

雨霽螺峰蔚曉隄
分明披展畫屏西
鏡橋那畔風光好
出水新荷放欲齊

綠蒲紅芰盪蘭橈
不動雲帆遞細颿
最是今年僥倖處
春來水誌未愁消

西海從來捕魚處
闢湖以後不施罟
好生未免存人我

觀過知仁豈礙夫

夏日題景明樓

拾登出埤垵締賞俯烟霞雨足湖光漲塵清山翠加春
和雖已過夏景不爭差一歲兩三到惟消片刻茶

寄瀾堂

朗著虛堂對碧湖一瀾甫過一瀾趨中間前後渾難得
四智三身例此夫

望蟾閣

望蟾最宜夕而我曾未到偶來每值晨漢邊尚堪眺我
聞太陰光實藉太陽照金烏已騰輝玉兔奚能耀遊目
適斯閒因心觀厥微

藕香榭二首

汙泥不染植亭亭為識花馨識藕馨君子昔人設比似
如瑩正則變丹青

蓮葉東西魚極樂藕花高下鷺無猜却贏越若將吳瀆
不放采香小艇來

賦得南風之薰

得同字八韻
朝考題

協帝光軒頊亮天欽始終爰興大鹿野乃撫五絃桐心
忖傳將手表揚蘊以中人聲詢右孝詩語造南風念念
厘民隱言言企化崇財期九功叙愠解萬方融在位虞
賓讓來儀鳳鳥翬爛然八伯進景仰敢希同

宴哈薩克陪臣作

哈薩陪臣候起居優恩錫宴示榮諸徐聞壺漏遲金狄
不藉瓊筵命象胥塞限寒門帝京到風來暑節曉涼舒

時和武定遐方順惟勵謙沖凜執虛

夜雨

五月廿八日

五風十雨尋常候五雨十風夏令宜雷響纔聞天際作
溜聲忽到枕邊披饋飫麤麥通比

平聲

里吐穗黍禾早向

期

今歲晴雨應時五月禾黍已吐穗較向年特早

兆固佳哉秋尚遠顙祈時若

越孜孜

雨中討源書屋

夜雨既優渥曉烟猶渺漠已宣晨問

謁敢為雨留停取便憩軒榭怡神泯色形畫圖天接水
枕肸史和經歇響蟬藏樹就乾蟻上庭須臾雲淨歛露
出遠山青

惠山園觀荷花

吳園萬壽山東隅其水昆明之尾間去歲湖水已憂涸
津逮弗及胥井如自春徂夏湖水足餘波一方湛且綠
偶來正值荷花開雨後風前散清馥洛川湘浦比輕狂
君子微嫌名教傷試看流霞帶醺者真是水仙宴水堂

水堂宛轉孰南北何必燕天隔江國汗牛充棟詠蓮人
面目誰真識淨植

再題惠山園八景

載時堂

東嶺山堂好琴書靜與宜開軒無長去聲物種樹有喬枝
每便粗疏過寧非玩愒為今朝索延憩恰正小年時

墨妙軒

苔瑤法寶萃千年四壁風華總道詮朝暮雲煙相薈蔚

遊絲燈影契天然

就雲樓

深登每思憩因迫得傑構題額乃就雲雲亦每相就
蔚盪胸腋霰黼潤襟袖豐隆有奇貨谷神宛可售莫謾
擬虞廷名實詎胥副

澹碧齋

一湖小停蓄渌然澈清影咫尺出宮牆稻田灌千頃

水樂亭

八音之中獨無水一無萬有實至理不然聽取宮商聲
了須拋却箏笛耳洞庭只在依稀間繁會聆以片刻閒
漫擬九成來鳳鳥吾猶愧之曰舞干

知魚橋

飲波練影無痕戲蓮闖藻便蕃知否付之鱗類惠莊却
費名言

尋詩逕

窈窕沖澗間詰曲逶迤處目擊斯道存淺言亦深趣於

此論格律何殊刻舟誤

涵光洞

牝洞恹恹虛室如其通以塞有光舒怡看生白那愁暗
何必含明要在疏蠆尾銀鉤臨古帖蠅頭綠字讀奇書
設於二典尋津逮四表猶慙普被諸

甘肅總督吳達善奏報麥收詩以誌慰

甘涼二麥熟喜值王師班去歲穀踴貴今已減七錢正
供雖屢免其如災旱連軍需所會地寧免物價艱嗟哉

淳樸民安靜無他言是予所深嘉不靳澤頻頒予澤惟
補罅

天澤斯普全從此雨暘時秋成更冀焉詎易復元氣庶
稍救眉燃時若寧可必西望仍憂先

拔達山八駿馬歌

大宛駿馬斯已奇拔達山駿奇倍之方隅貴山南以西
獻馘稱臣誠識時良驥服阜納賁隨青驄送喜領羣蹄
捷音早共紅旗馳

右送喜驄

堅昆底定我馬歸鵲其英鷲色

其騏

右堅昆鵠

洱海

即伊西洱卓爾

一戰塞厥旗獲良翻以徠白義

右洱海驢

有駉紫電名雅宜掃塵滅迹追無遺

右紫電駉

服遠在

德不在威闔虎

舊上方十駿之一

已老茲其妃

右服驢

蝦蟆一跳

丈六齊掉尾肅肅白玉題

右玉題駿

呈覽按隊過荷池祥霞

輝映光配藜

右祥霞驥

逸足未騁望可知繭雲底藉鞭箠施

右繭雲駉

徒觀骨格皆英姿揣稱且命儒臣為天閑調習付

有司待予秋獮徐試騎譬霍集斯居京師

回部郡王霍集斯以擒達

瓦齊及隨征功賜第留京城父子俱膺封賞
蓋以望族傑材不宜令歸回部具深意焉

富貴之更

教禮儀遊閭闔今觀玉臺叶初非求馬興戎麾銷兵從此含生熙

恭奉

皇太后觀荷作

月地霞筵侍

懿慈昇平御苑即瑤池解能扇暑疑厨蕙為是

延年號澤芝傾露烹茶勝仙掌曝陽遊葉出靈龜今年

分外邀

宣豫西域師還暘雨時

夜雨

六月初四日

剛覺炎陽劇欣聞夜雨零黍田知玉潤簷溜似琴聽惟有增兢慰雅宜想色形明當問

安日歡喜謁

慈寧

雨中討源書屋

起居又值雨中來雲陣煙絲未擬開小草高梧齊勃綠

虔欣

天意大栽培

晴

便霖信何妨快晴真復好我亦如衆人卜度恒太早然
胥望歲心觀過仁可曉夜雨剛達晨卓午晶陽晶驅炎
峭爽生宜暘膩雲掃慰餘轉悚然何修沐

洪造

項元汴畫王維避暑詩意

絕壁聳峻嶒飛泉落上層對來知暑避望去訝雲興畫
法倪高士詩傳王右丞巖前及林下意入我原曾

降旨寬免甘肅隨賦耗羨並紀以句

耗羨起何年本是隨賦納積餘因成多為有司津貼濫
觴致不善墨吏恣搜括

皇考悉其弊無已行權法爰令輸之官養廉均弗闕督
撫逮佐貳等級以差發其有額外求是貪斯有罰以其
菽水資免賦例不謬言念甘省黎災餘幸存活既預免

正供何惜此微末諸臣養廉需毋寧帑項撥俾予介遺
民追呼一以脫

上天況垂佑麥登禾長勃此後暘雨時倉箱庶不缺詎
云元氣復溝壑逭艱阨西成斯尚遙遑敢即怡悅

回部貢金至命為麟趾褒蹠以紀其事

有序

諸回城既悉內屬戎索益閔念非經以井牧則別
部偏處久或強食滋患然屯開戍集而官師精廩
因之若前代骨都戊己僕僕轉饟坐耗腹地物力

者朕豈為之哉去歲將軍兆惠等以回民環籲定
賦請加鑄天朝年號通寶於見行騰格錢以資輸
納朕命檢校將來大臣官兵駐防歲給所需取足
供支而止其視曩者噶爾丹策凌責入諸回故額
蓋已減什之五六矣今歲騰格已供彼處諸屯戍
之用而貢金適至乃付冶工鑄麟趾裏蹠以誌緣
起並系以詩昔漢武幸回中下詔言封岱時見西
域金氣之祥因鑄黃金為麟趾裏蹠其詳已不可

考說者謂瑞麟五趾其形當如餅而五出若要裏
蹠正深圓則後世沿而范之者固衆無足深論然
洼池玉河朕且不以得地為寶豈珍此纍纍鏐銑
而匱之以示方來者良以固圉繕邊初不役費中
土民生為至計不則禹貢三品屬之水衡可耳又
何長言紬繹之為

肉好頰型騰格錢儲胥恰供戍新邊或殊疲弊中國耳
並聽輸將三品焉西域早稱氣相感泰山虛詫瑞曹駢

政平遠服吾何有紀實聊因麟裏傳

題王炳山水

欲雨夏山氣鬱蒼層林濕潤意先涼
宮鋤農父野橋過放水溪田防寢秧

驟雨

六月初十日

午熱弗可當煩坐屢移床片雲生西北倏到天中央
急點未灑風先來陣雲如墨雨雲白皚皚倒峽傾江
不足擬旬旬滂湃紛縈迴颯然爽氣迫筍席鬱蒸炎
劇安在

哉雨墮無所為點筆裁新詩黍高及稻下勃長應無疑
雲霽天光漏我詩亦已就東壁一彎懸綵虹遙天剩幾
奇峯岫

夏日遊玉泉山過青龍橋作

曉霽美風露駕言遊玉泉意行不十里吟景已雙肩湖
漲尾間洩暑驅爽氣鮮暢觀信可樂蔚綠滿平川

清音齋作

不到煙宮漫月餘層層綠意暗林間如斯佳景可孤彼

無逸名言每厘予賜雨若纔稍遣暇敬勤勵豈敢渝初
高齋插架三千卷栗陸淳風望跂如

華嚴洞

牝洞慳慳內外虛漫從相好識真如嵌巖古佛無央數
一芥子中納有餘

寄暢軒用米芾多景樓詩韻

柰苑一朝到奇峯四面開爽涼趁霽後軒榭訝初來米
帖賡詩扇陸泉試茗杯葩經如比擬惟是慙

去聲靈臺

登玉泉山定光塔

雁堵林巔聳七層極高明乃稱吟憑一年曾是幾迴到
新爽何妨歷與登東沼練光盈岸拍西山黛色列峯凝
八窓納豈生分別藉悟如來最上乘

叢雲室

過雨又逢暇趁涼遂來訪靜室給園側既迴斯高朗樸
斲雖三間廓然涵萬象天衣一縷無如來不動想昨晚
蒟為霖却此夙所養

麗矚軒作

穹塔適纔登峒堯切清漢此向最高處較乃不及半因
悟無止境理趣實一貫麗矚真麗矚綠雲蔚隴畔斯信
衣食源寧惟耳目玩

乘輕輿緣北嶺下

登山費半日下嶺消片時進難退實易萬理可因思銷
人肩輕輿雲磴盤委蛇數步命一歇何須雨汗揮淵明
有名言於斯一用之

飛雲嶺

盤下層椒圖憩止山堂倚嶺清且美常擬飛雲千丈高
却是適來步足底

創得齋

斷手齋成已數年額簷創得祇依然未來過去胥權置
試問如何是現前

題金廷標畫人物

瞽目先生小說流稗官敲鉢唱街頭村翁里婦扶攜聽

儻為

去聲

歡欣儻為

去聲

愁

晚晴落照四首

六月十四日

拖雨油雲飛似來
漲湖驅暑片時纔
綵虹飲練絲脚散
霞影先從西北開

西日輝輝更射東
千林生翠渲新紅
趙家金碧真兒戲
未若鴻濛設色工

東壁輕雲絢作霞
背翻金縷有飛鴉
快晴剛喜快雨後
禾黍青蔥總倍嘉

曰雨而雨曰暘暘西成庶可冀豐穰吐哉言戒滿招損
惟益勅心敬不遑

漢玉璧

入土出土各萬年壽過赫胥及驪連謂之曰漢頓置焉
誰謂洪荒無玉人叶否則琢磨由真仙若無若有龍鳳
卷金堂十二相周旋以古自澤以質全奚為海水奚桑
田秦爭趙奪誇智權如蒼蠅聲虩虩然

月夜泛湖即景成什

緒雲傍晚徂碧天淨如洗望前飈早昇玉輪將滿矣煩
暑倏已蠲爽風縠紋起良宵不可孤蘭舟泛邈迤素綵
流入懷澄神契無始

無始即此月今宵如去年達觀實一致所遇殊犁然禾
黍慰望歲兵戈罷籌邊遣暇良云可況逢清景妍然所
戒滿盈未敢效流連

流連愛景光夏夕已秋意蛩聲颯岸邊螢火流空際先
節雖愜賞促序仍深思試看碾冰輪晷影移漸次明當

三五團十二時權遲

泛月雜詠十二首

有序

驅暑足梅霖已過兼旬壬後招涼生桂魄纔交上
伏庚初綠天新漲如油事陋陳思飛蓋紫轡輕舸
似葉詞卑謝客抽毫爾其一捻痕微乍流輝於海
角半規勢就旋弄影乎簷牙湖邊金鏡開函三潭
貫采溪畔水晶肇域二若涵清催將雲破徐來倩
得山銜不落松牖虹腰既隱荷亭露脚方垂意愜

徘徊廿五絃自調星軫光分端正十八幅誰挂風
蒲先秋賦撰文忠四壁蛩吟唧唧竟夕書攤武子
千林螢照熒熒縱勅幾畧有餘閒寧問夜情忘即
目指天上種榆佳景凱歌傳虜笛雄關徵人間離
畢祥占農唱荅扶犁清畧此日披圖朔塞看駢車
遠竈咸賓逾時介社西池聽負嶠仙璫重譜

新月

合朔纔過俄望延線如眉若復鉤懸目遊漫惜光猶小

會看圓輪照大千

弦月

初生西宇漸東移恰似弓張弦直時疑是纖阿心亦緩
安于佩每學為之

湖月

河源雨過滌囂煩剛斧修成七寶垣印入澄湖奚比擬
一雙玉鏡兩無痕

溪月

漱漱波含淠淠聲隨舟宛轉大光明迴溪曲寫銀弓樣
一箇金丸正在抨

雲月

魚鱗幾片碧空鋪影襯冰輪致更殊長史雖稱率爾對
自然點綴可教無

山月

宵衣聊適片時間赤壁清風髣髴間窈窕章歌曾不藉
須臾也見出東山

松月

松岸維舟懶慢登棲枝古月恰相應披芸乍晤陶弘景
人在高樓最上層

荷月

聞香暗識緩移船颯沓聲先到耳邊恍惚光中婉孌度
玉清界裏小遊仙

琴月

梨園小部厭聲新綠綺真稱月下賓每對南風慙解鼻

誰能高致學盧綸

帆月

無恙布帆挂影暄
篝燈聊免驛章裁
今年泛月真僥倖
捷報紅旗天際來

蛩月

莎根清響夜珠光
滿耳淒聲滿意涼
却笑草蟲還技癢
那能文賦待歐陽

螢月

星星柳岸自飛揚
腹橐沈吟不用囊
沙界三千普仰照
奚妨爝火弄微光

再題李唐江山小景疊舊作韻

思訓光乎前
晞古振乎後
小景紀緣起
香光細評剖
節取茲重叙
未能戒綺口
抑以便覽觀
用備遺忘候
宣和舊博士
南渡隨奔走
八十仍故官
畫史無雙手
真蹟中合作
把玩消閒酉
去情已得神
課無復責有
豎峯既崢嶸
漩流更洄糾
風生虎咆哮
雲從龍蚺虺
六鼇背上山

非他氣以負渲刷鎮如新神呵霉不受歸韓誠得所子

胡溺色酒

董其昌跋館師韓宗伯得之朱太尉及韓長公朝廷遊武林有所惑溺質之好事家云云

按韓世能仕禮部侍郎教習己丑科庶吉士其昌以是科館選因稱為師長公蓋世能長子而朝廷則其名也

質金不能贖乃告香光叟摒擋畫禪室劔合延津吼太

尉党家風宜乎不復取

明史朱希孝掌錦衣衛宋太尉職也

行穰荅韓情

江山歸董守

亦見其昌跋語

武林務材家誰復論存否挹齋薰

猶殊何致袒其右言不可不慎思翁未思久

其昌跋挹齋遺榮勇

退因以江山小景贈別云云挹齋周延儒別號而其昌與之友且稱其勇退非擇交之道然亦足以知其昌矣

史館問鼎時博古珍瑤玖詎知市江寧重價程空扣

見後

程正揆跋亦記董周相贈及己曾見之故

爭名真必喪趨利心斯部披圖鑒

戒存寧曰遣興偶論世論其人實無足尚友贍尾或脫

落何以傳不朽

董程諸跋皆在贍尾後

隲括書圖中藉以永厥壽

雨中泛舟

六月十九日

時放炎陽時復陰天容醞釀欲為霖午餘快霽傾盆灑

又利農田慰我心

六棹飛雲

船名

剪碧湖山光樹態總模糊何當倩取維摩

詰風雨歸舟正好圖

或疎或密垂颯纏接上翻江窘舟子瓦衣耐漏謾譏評
既水須知不洗水

生衣却暑變微涼急陣纔過水漲塘便是連陰信何礙
晚晴終覺喜宜暘

戲題文木癭孟子

文木癭孟子古為徒穆然虛中既空洞盍外復連蜷宜
贈餐霞客否當飲水賢玉盃金盃側所樂不存焉

御製詩三集卷五

欽定四庫全書薈要卷一萬三千四百三十五

集部

御製詩三集卷六

古今體一百十五首

庚辰六

雨後昆明湖泛舟騁望

半夜嘉霖曉快晴
勅幾暇偶泛昆明
穩同天上坐春水
爽學秋風動石鯨
出綠柳陰知岸遠
入紅蓮路盪舟輕
玉峯真似蓬萊島
祇許遙遙鏡裏呈

登望蟾閣極頂放歌

高閣臨湖迴且虛玲瓏石洞負階除丹梯先陟百十級
歷歷白玉欄杆扶升堂香宸畧憩息其上更有三層廬
却笑九年三到吾三層躋乃一次無似此構築緣底事
自問不解況人乎今朝佳景可再孤索須極頂登臨諸
造半已覺豁眼界上方實令心神舒暢春東望神仙區
西山真是西竺如北屏萬壽南明湖就中最勝耕織圖
黍高稻下總沃若是真喜色遑論餘亦有曉蟾西字留
三五清光得未酬吐哉吾猶失達觀

去聲

此閣與月曾殊

不試看鏡裏廣寒界七寶團藥不藉修

鑑遠堂

玲瓏玉螭飲波長西首堂稱鑑遠堂每凭軒窓意無盡
四圍圖畫水中央鳶飛魚躍同澄澈雲影天光會渺茫
即景設如參理趣言詩寧藉起予商

題澹會軒

月渚碧水圍雲軒綠窓敞據勝已瀟落弄影殊滉漾翰
席臨澄照淨鑑涵萬象思慮於何生藻績非所賞設擬

君子交南陽在跂想

再題寄瀾堂

堂俯明湖萬頃空最宜穀影漾微風欲詢了識寄瀾者
還與斯瀾是異同

無盡意軒

乾坤易緼仲尼宣立象端知意已傳誰道溪山是無盡
當前呈者契先天

晚晴

六月廿三日

詰晨霰霏烟絲疎密間作已過午時行大雨審何妨
終冀快晴利禾黍落晚雲開晃夕陽碧天似洗風含涼
已聞蟬聲出高樹又見新波漲遠塘從願時若有如是
自問何修而遇此持盈祝稔益疎然勅幾遑敢萌懈弛
詠宋瓷枕

埏氏初凝土陶人為鑿坏千年火氣盡一晌黑甜來金
玉徒奢製松榴遜樸材誰云礪稔寐藉可至蓬萊

西直門外

彌月未進宮視朝一清蹕曉涼如新秋露光灑朝日高
原與下隰五穀均凡密實方亦實苞實穎將實粟時若
祝一月稔收或可必滿言庸渠敢嘉兆斯真吉憑輿幸
有喜省躬凜無逸

倚虹堂

高梁橋側倚虹堂小駐傳餐趁早涼白壁題詩今復昔

歷年西直門外
諸作率書於壁

赤心析歲雨和暘就中所慶邇來幸戒

滿惟思此後長分付上林畧修飾預欣明歲祝

無疆

辛未歲

聖母六旬萬壽自長河乘冰床至高梁橋易輦進宮因建堂於是來年恭逢

七旬

萬壽普天同慶大典自照辛未舉行因付有司預為修飾

題鏡清齋

輕騎取乘涼西苑早云到如此神仙境驅過寧非躁況
本無急務路便一觀徼鏡清真鏡清不示憎與好萬物
備於斯坦然此澄照

沁泉廊

綠陰如蓋石泉流把筆巖廊小憩留風爽雲閒樹蟬亮

與人著意報新秋

罨畫軒得句

罨畫今朝又覺殊紅霞影襯綠雲鋪分明倩馬和之筆

寫得荷亭納爽圖

馬和之荷亭納爽圖藏石渠寶笈中

畫舫齋

畫舫予所喜云舟不是舟雅宜風澹蕩那共水沉浮荷
淨初過雨竹涼颯似秋分明太液上借與米家遊

養心殿晚坐

園亭多水木自是氣清涼宮禁翡翠瓦五雉圍紅牆夏
候所弗宜暖氣蒸炎陽朝儀詎可闕適己寧云臧茲來
乃迴別竟日爽風颺立秋遲三日律先報白藏晨從郊
外來多稼雲將黃既欣望歲稔且免籌邊章九州奏書
達云時若雨暘諸凡皆順吉惟是敬不遑

馬和之荷亭納爽圖

雨餘荷氣淨平湖偃仰匡床或子都三百篇曾經寫遍
重臨粉本愛扶蘇

戲題素尚齋

密雲拖雨興剛罷，視朝曾可以換端冕。聊因攀蔓藤丹梯，耐幽賞白屋合芳稱。屢著山龍入顧言，底是能

瀛臺泛舟觀荷三首

朝來驟雨打新荷，雨後挈舟賞若何。白閃露光飛上下，紅湔霞影舞婆娑。

火氣全無甲煎香，木蘭輕漾喜晨涼。詩人耳食擬天上，可見黃姑錦段張。

風翻露蓋深還淺
雨洗紅粧正復歌
寶月樓頭迴看好
分明宜畫又宜詩

寶月樓

輕舟遮莫岸邊維
衣染荷香坐片時
葉嶼花臺雲錦錯
廣寒乍擬是西池

長河進舟至樂善園

拍岸盈隄水新晴
過雨天欲因溯靈
沼便以進輕船清
暇鮮機要名園畧
憩延不須翻漢史
兩字義包全

鸞舉軒

階前風籜戛琅玕半歲猶然初度看却是碧紗窓解事
迎人畫出舞仙鸞

蘊真齋

虛室如我心萬物莫不備見山仁者仁見水知者知所
蘊無非真云何容擬議琴書靜以好於焉小留憩既愜
後樂懷亦闡善長義

萬壽寺

廣源閘隔水高下至此長河例換船雨霽氣清兼值暇
檀林一涉淨因緣

松杉三百餘年老埭塢猶然說假山箇裏却含無量義
須彌方廣異同間

月色溪聲閒鹿苑禪枝忍草護蜂臺灑然精舍堪清憩
一歲曾消幾度來

繡漪橋

長橋湖口鎖煙霞盪漿過橋景倍嘉白水平拖如匹練

紅蓮繡出幾枝花

嘉蔭軒

長河舟徑達昆明登岸猶欣風日清爽岨小山開北戶
陰森嘉樹覆南榮巖如重障無輕造川自平流有暗聲
秀木居然千古意風人高致緬崇情

賦得金粟山

到此索須遲一峯迴出奇分明碧螺髻且有翠巖眉解
脫四禪定圓成三點伊狂歌李太白自許後身斯

木變石

形殊朽社側質藉圮橋陰曰曲斯惟直能浮獨乃沉梗
楠不辨昔瓊玖忽成今物幻有如此一般無覺心

立秋

六月廿七日

婪尾熾餘炎西南風拂簷燠蒸頓避席颯爽欲侵簾又
見金秋到那嫌星鬢添晚來微雨過最喜協農占

老農以立

秋日不雨則三秋多旱雨而不晴又致潦故有
秋釣秋優之諺是又微雨即霽適叶祥占也

題宋人漢宮秋圖

滿幅寒光秋意多涼生別殿罷雲和尹邢相見驚真是
俛泣低頭歎若何

玉笙瑤瑟祀崑臺王母知來知不來劉得青鸞傳信到
珠簾翠扇一時開

長信天街迤邐深石床綈几別松陰劉郎真是秋風客
落葉哀蟬獨自吟

爾時院本出宣和紈扇金砧斂怨蛾艮嶽秋聲大相似
淒涼五國兆無訛

立秋後一日作

蓐收昨日歸細雨應占霏報得秋信好引來逸興飛
葛衣渾懶著紈扇欲停揮把筆聊有喜即虞乖勅幾

同近支宗藩及御前大臣侍衛並回部郡王霍集
斯等賞荷包事得句

自春徂夏雨暘若五沃花開日甚長笑我秋來纔一賞
孤他湖裏冠羣芳為衣端祇宜彼沅比義還思遜爾常
霍集斯兼令陪宴直稱此信是天堂

素心堂

書堂最為古秋令又而今松竹自良友縹緗實素心荷
風清拂座蕙露馥濡襟散步延幽賞莎蛩三兩吟

靜娛書屋

樸宇竺宮側擇向聊位置雖無樹石景而有煙霞意尋
繹宋儒言參契金仙義云娛實未能且黽籌吾治

黃公望山水

一幅淡雲煙重陰灌木連草堂必據勝溪水鎮澄鮮意

古境自古人傳畫以傳誰斯賦邁軸我迺欲招賢

七月朔日放歌

百年三萬六千日一歲三百有六旬五十一萬八千度
孟朔百八十分均即看金翼不停晷後今視昔俯仰陳
當秋未至盼秋來曉曉者又何為哉卓午劇熱思雨好
潤滋蕎菜豐收保早種禾黍兆固佳雨速晴方不致潦
擲筆大笑憶佛言求欲無厭實煩惱

沈周秋林策蹇圖

阿誰驢背騎童子擔琴隨似逐京華者渾嫌道路遲煙
迷眼中纈風裊鬢邊絲所異利名客便宜賴有詩

雨

七月初二日

昨日劉思雨今朝便作霖霧霑極暢勢疎密總宜心晚
稼憂叨澤殘炎遠避襟

天恩實稠疊惟慰益惟欽

雨中泛舟得詩三首

雲輕雨細著舟開峽倒江傾頃刻來知在御湖涯岸裏

却疑潏沔泛蓬萊

四柱煙蓬六棹浪縱橫
上下一潯溟懋勤筆硯常供奉
不異摘詞對水亭

早禾收定晚蕎宜有喜
何妨與衆知日涉趣成問餘事
却欣曲埭竹新移

馬和之秋林曳杖圖

曳杖秋林盍背人
徐歌商頌並非貧
畫師不著伊誰氏
知是袁家伯仲倫

喜晴

昨快雨茲喜快晴晚
蕎霜菜胥怒生伊予所殷惟農事
問今何幸如人情幾片閒雲天宇迥一空爽氣秋陽晶
卓午炎蒸定奚礙火迫五穀當西成

戲題討源書屋餅荷

出水荷花深淺紅
擷芳供養膽餅中
人情總是分彼此
無易由言付大公

雨後萬壽山

乘涼新雨後，問景曉秋來。
又覺羣然異，安能恕爾迴。
迎人祇有爽，觸目總無埃。
最喜鱗塍畔，黃雲色染纔。

繪芳堂

風金露玉又相將，一棹山陰趁曉涼。
階下丁星詩意者，秋芳端欲壓春芳。

寫秋軒

氣爽皞曦晶，秋清果是清。
吟風高樹朗，灑露雜花榮。
湖澈淪漣影，山開錦繡情。
今來真即景，却笑太循名。

月波樓得句

想像冰輪蘸影空
曾無一夕宿樓中
昨朝目擊延真賞
寧不於斯想像同

澹寧堂有會

七情生滅不寧人
設欲求寧澹是因
試看一湖秋水澈
坦然何所別疏親

西北風

常年春月每望霖
西北風來輒怒爾
今歲幸得雨暘時

黃雲已近西成矣。昨朝清旦欣快晴。傍晚雲陣依山起。
伏內便雨審何妨。意中終覺晴為美。半夜忽報西北風。
枕上爽涼實堪喜。詰晨視事有餘閒。輕騎徑往遊玉泉。
銅雀鳴將禾黍熟。如雲彌望穠稌連。菜畦瓜架蔚茂密。
老農老圃均開顏。有如是乎佳氣象。倉箱待獲吾猶未。
敢為滿言。

新秋玉泉山

借問新秋底所宜。玉泉秋信試尋披。無風不是迎人爽。

有露還能被草滋翠重山光未疎際碧輕雲影向閒時
幽風七月當前景那藉說匡早解頤

清襟樓

高樓倚巘納虛明筍席宜人爽氣迎不必躡梯騁遠目
襟懷早自向秋清

冠峯亭得句

四柱虛亭迴冠峯偶來如坐玉芙蓉南朝紗帽名真俗

那似無言得正宗

棲霞舊有紗帽峯稱名殊不雅
丁丑南巡改名曰玉冠

棲霞室

霞來任彼棲霞去弗戀思霞故匪有意室亦本無為而
何往來者云棲霞室茲蒼蔚今復佳俯仰又一時然非
孫興公形容當待誰

題積書巖

境如酉室秘巖阿亦有芸編插架羅我所取資在謨典
躬行未逮底須多

山花

山花凡幾種依山趣自殊子弟王謝家疎散亦彬如託
根實福地標蒨宜幽居縹緲溫李詠艷謝黃呂圖今朝
忽開口報我秋來夫

空翠巖

上方接顥空翠影落庭中漫擬無還有應知異總同巖
雲已淡淡樹露尚濛濛玉塔猶天半鈴聲響謾風

影湖樓

潏沆涵漪一棹通高樓俯仰愛澄空玉峯塔影近窓外

萬壽山光遠鏡中秋色梧桐還未老大田禾黍可希豐
了知不是青蓮句也自臨風懷謝公

界湖樓

影湖之水界接湖一棹而來座不移到此換舟須就下
白雲頭上向平披

王蒙溪閣閒碁

松下溪亭水石磷消閒賭墅會嘉賓野橋策杖相過者
漫擬尋常助關人

金廷標秋英十二種

文殊蘭

色相何曾似九畹人云蘭亦曰蘭然拈來漫擬稱名悞
應是文殊示別傳

老少年

秋籬無葉不花開紅矣何曾雁到來

又名雁來紅

恰似會昌

觴酌罷酡顏箇箇醉芳醕

雞冠

昂藏如報日瞳矐嶷嶷形標赭赭紅我有宵衣籌治責
對之輒復憶齊風

玉簪

葉態花姿受露多牆陰砌角自婆婆
娑如雲鬢髮偏宜綰
不藉玉人費琢磨

秋海棠

一種寒英性獨柔
露華拂檻最風流
長生殿裏癡情重
既占春還不讓秋

萬壽菊

色借秋金爛爛明每當七八月華榮幽風句入羣芳譜
恰許公堂稱兕觥

秋葵

稜稜翠葉簇花黃曉砌扶疎灑露光卉裏解存歲寒意
春陽不向向秋陽

藍菊

深藍淺紫各芳蕤引蝶迷蜂又一時名氏縱教聯菊譜

淵明曾未著東籬

金錢

買斷三秋也足豪不從四字不從刀成詩已自聞盧肇
著論寧妨誚魯褒

藍雀

有翼何曾解跳蕭有黃目不擘如椒無端野雀翩然下
欲與同羣颺碧霄

山丹

五出黃花赤點班
秋來芳意滿西山
拈毫擬議云何似
栩栩春駒并晚間

僧鞵

足不知為屨紫茸空行那肯謾留蹤
假如驀向宋雲問
可識當年惹嶺逢

雨

七月初八日

餞伏昨朝婪尾熱洗車今日打頭涼
却欣綠黍滋秋隴
不礙紅荷褪晚塘
雲意鋪空旋聚散
池光接上轉蒼茫

西成近矣無他望所望從茲時若賜

漢玉人纔寸餘以漢玉山子居之宛有振衣千仞
緊率爾成詠

開襟松下風貌古色猶童神寫裴叔則詩傳左太沖

快晴

昨晚簷溜達夜鳴五更始歇侵晨晴適偶有事進鳳城
蘭衢泥濘易馬行雖未致潦再詎可卓午雲散秋陽晶
今歲農功幸有望益因有望益厪情銷兵定遠無劇務

與民休息祈西成

漪瀾堂小憩

漭沆澄虛若鏡空
羸他鏡者漾微風
有情魚躍鳶飛共
無定遊絲燈影同
瓊島陰含五雲表
液池秋滿一窓中
澡身浴德時披對
學海因之溯莫窮

環碧樓

危昂石筍矗峻嶒
迥得雲樓倚曲陵
萬碧叢中行不盡
到來騁望更欄憑

遠帆閣

浮玉樓臺似

瓊華島山陰樓臺皆規金山之制為之

江天入企情雖殊石

簾側亦有布帆橫
頗覺宜風月而非為利名
遙瞻無恙者疑過潤州城

張宗蒼秋山行旅

行路何須歎苦辛
滿山紅葉絕勝春
靜觀一笑兩間者
若箇而非逆旅人

悅霽亭

屢陰復屢晴秋意殊未定我實願時暘因之慮恹恹今
朝乃大霽碧宇徂雲淨得亭便名之東坡以為鏡

題池上居

池上清涼實絕勝夏秋之際稱吟憑漪翻蘭沼風含爽
霽卷銀河氣奏澄祇有求倉待農慶且無籌筆慮軍興
攸芋今歲真僥倖憂不多時樂每仍

涵光室有詠

曰明乃是光於暗義斯墮曰暗實無光試向虛室坐光

固有恒性明暗無不可明光滅暗生暗光滅明作叶生
滅豈涉光如是薪傳火

泛月

春風秋月有恒論泛月應秋不待言且喜清宵值幾暇
恰當驟雨過河源宜人佳景寧當擲盈手寒光若可捫
邈爾含毫對流影惜分陰亦此中存

霽清軒

快雨還欣值快晴輕艫容與泛昆明捨舟登岸聊延步

恰喜山軒號霽清

石峽疏成欲泚流
畝平植得藕花稠
肩輿垂手摘蓮子
却似橫塘泛小舟

樂壽堂六韻

聳峙千峯護虛明
萬頃開精神
山水萃義理
知仁該擇
向樸堂建乘閒
清蹕來樂惟以
天下壽願共
春臺霽月
光風會江毫
宣硯陪翹思
茅土約抱愧
敢嬉哉

水周堂

氣霽雲閒上下鮮
虛堂即景會真詮
不離秦國一方在
知是南華第幾篇
蛩送響依風草聽
荷餘香帶露華寒
於斯豈厭周旋久
勤政惟虞垂體乾

題岑華室

樸室倚碧巖雲根磊嵌竅
林扉闢茆厓雲棧步官窰橫
溪拖練縠淨植芳影搖
上下玉芙蓉世界成極樂

叶

中元日放河燈觀盂蘭法事

衆生度盡更無他又說
盂蘭濟脫多遮莫隨緣對佳節

寧真著意事禪那數聲仙梵海天唄一朶金蓮上下荷
却是嫦娥讓燈景中宵繞宵擘雲窠

即事

七月十六日

密雲不雨兩日連春斯愁矣當秋歡金風來自西北天
吹雲卷絮消浮烟新疆無事煩籌邊九州率報稔秋駢
下河稍被災低田亦不泛濫似向年是宜慰矣何戚然
吉安又往臨奠潛

是日復遭皇子
三子之悼

棄置不道終覺憐那能

陶情以管絃尋思萬事難期全吾民樂復奚求焉如商

一往寧稱賢

爽

快晴五日秋旻高金風颯沓吹沕寥驅炎却溽婪暑逃
我亦因之蠲鬱陶大田已獲晚稼好較比常年月餘早
天心仁愛益可知去歲北民太苦惱新穀未上市市穀
價已平易新出陳各謀生赴時亦不煩督程補偏救弊
無善策不如逢年民自歌盈寧善哉孫綽之言民猶水
也清之則濁渟之清

玉河泛舟遂至玉泉山靜明園得詩四首

連日金風占斷晴悅心聊可泛昆明石橋那畔玉河接
秋色玉峯早相迎

入聲

耕織圖中織女機由來所重厯民依若云博古擬銀漢
也繾黃姑新別歸

稻田吐穗露華濃町上豆秧綠更羊無隙地還無不美
真教額手慶良農

界湖樓接靜明園到岸維舟便入門此地祇宜諸品淨

笑予何事未忘言

初得齋觀荷

碧空雨洗琉璃淨一曲湖光亦澄映秋來荷芰尚芳菲
微露粲霞三五柄澹泊為德少自佳揚猗洒洒依池齋
垂手可擷不須擷創得得此真澄懷

乘涼登玉山

乘涼登玉山肩輿尋荔棧輿者爽以逸肩者汗且喘適
已弗慮他其理寧為善重賞則底須薄賜未宜免絜矩

於偶遊所會固不淺

麗矚軒騁望

雲軒結宇枕崇椒
天風謖謖鳴松濤
高秋麗矚真麗矚
黍町稻隴芄青郊
匡床點筆一摘句
亦令僕役聊逍遙
登山揮汗到山喜
故知得逸恒於勞

嘉蔭堂即景八韻

古柏干霄上團團
嘉蔭連陰森低石
徑朗亮噪風蟬虛
竅既致遠雜芳復
鬬鮮秋堂成小憩
勝境契真詮太古

山如是一時興偶然延襟都是爽得句欲捐妍詩正幽
風什書懷無逸篇金仙聊綴景匪欲事求仙

靜緣書屋

乾靜專而坤靜翕善緣集則惡緣祛三間却不生分別
知水仁山總自如

再登影湖樓放歌

湖樓繞五間玉泉全景納山色波光相關佳樓與平之
俾浹洽本因蓄水計乃成攬勝所漾舟而來真濟勝左

右逢源無不可是時颯爽報新秋碧天朗澈纖雲流桃
笙如玉寒光浮綠水紗牖開四周呈奇萃秀無定態大
圓鏡象隨方酬我亦非臨風謝公之覓句我亦非懷土
王子之增愁徒觀黃雲擺秬將豐收十纔一遇寧不喜
又恐吾心乾惕或懈弛

戲題招鶴庭

羽客常依庭本來不用招問其何以然雙翅剪跳蕭日
日望稻梁往往忘雲霄心實非夷齊口仍慕許巢矰繳

誰所為投入緣爾曹

近青閣作

近朱者赤近墨黑試問近青何所得朝嵐夕靄相
入聲氲畢竟非空亦非色

竹鑪山房

石壁前頭碧水涯筠鑪製學老僧家清遊興盡欲歸去
且喫山房一碗茶

待月

七月十八日

秋月實可憐秋月抑堪惜過望纔三日清光猶溢魄應
尚濶於弦已自缺於璧對此不駐景可更孤今夕今夕
雲淨收碧宇澄瀏瀏船泊近西岸東望圖縱眸蒼然剛
半刻明放樹梢頭金輪徐吐出向我冰輝流世界一廣
寒星斗空羅稠月既如人意人當為月留而我戒流連
亟命旋蘭舟

賦得平安月鏡居

船名以竹為之

妥貼三秋景光明七寶垣坐疑在淇渭行似泛湘江

瀨常平挹山光亦遠吞依稀王鉅野剗節制猶存

雷雨

七月十九日

旬旬砰磕殷西山傾江倒峽頃刻間五日朗晴雨何礙
終覺戚戚聽更闌三更雷聲遠四更雨勢止蕎坂菜畦
益滋潤憂餘翻為吾民喜兼之銷兵定遠軍士大半凱
歌歸庶異南國佳人振振懷君子

晴


雨固未致恒足即願時晴曉烟泮復聚倚檻為怲怲卓

午乃大霽高曝秋陽晶煥溥淨以滌汰寥碧宇澄軒榭
既爽壇花木相颯清一笑為吾民可共期西成

惠崇九思圖

縵縵飛集碧潭秋寓意原從魯語求設使昌黎驀相遇
斯人應亦許同遊

御製詩三集卷六



總校官庶吉士臣侍朝

校對官檢討臣季學錦

膳錄貢生臣王詢